

Jan 10<sup>th</sup> 1898.

大清光緒廿四年

本館新開除禮拜外每日出報一  
紙外埠均可函致本館取  
閱如外埠閱報加寄費不  
也除日本英法德俄美各國  
惜工本從英國採辦釘書裁  
紙各機器以待與各官紳  
刊印書籍單件並有英法各  
體活字及各式花邊等延有  
西人排印工藝甚精所有中  
印文字均能刊印並精工刊

第五千零九十一號



# 叻報

(號七第牌門口虱巴舊在設開館本)

印工緻絕倫並延有文士書  
寫各體文字現由上海購到  
各種書籍出售其書目另行  
刊佈所有各項原稿其相宜  
本館所登來札原稿其有無  
世道人心者附登否亦須無  
礙於人而後始錄其有謾罵  
成文以及支離費解者概不  
登錄嗣後諸君來札尚祈  
自諒更須寫真爵里而後敢  
將原稿收回也本館謹白

戊戌九月廿七日

大英一千八百九十八年十一月十四號拜四 每張售錢五文 每月售銀一元 每日售錢二分

## 論中俄合辦金礦

地球萬國星羅棋布弱肉強食自古已然中國國勢最弱而物產最饒惟饒也故各國無不垂涎于取于求  
不汝瑕疵誰不思捷足先得惟弱也虛聲恫嚇多方要挾交涉之事日異月變幾有山陰道上應接不暇之  
勢國事至此尚忍言哉今聞前日本報所登合辦金礦一則而不禁重有感焉其言曰新疆南北礦務累年  
虛擲巨款艱於報部仕途中人論及礦務皆有談虎色變之勢茲有俄國遊人馬堂四福謂天山北路直至  
阿爾泰山一帶金苗甚旺擬請租地開採新撫饒中丞以租息甚輕利權旁落徒滋事端拒之馬堂四福遂  
唆使駐迪化之領事吳司本向駐京公使與中國政府饒古志在必得當軸者不得已而許之議定華俄合  
辦資本各出其半吳領事聞而大喜乃即電請俄國礦師携帶機器乘莫斯科火車如飛而至擬先勘塔城  
廳之喀圖及庫爾喀刺烏蘇之濟爾噶朗合礦饒中丞即委已革澎河通判陳步梯候補知縣周鏡侯補縣  
承施再萌陳源瀛與俄官會商開辦一切事宜執事人閱至此不禁躍然曰噫異哉夫天山北路以至阿爾  
泰山一帶固我中國之版圖也礦苗甚旺莫非中國產也俄人乃虎視眈眈其欲逐逐雖曰慢藏誨盜理有  
固然亦不應若是之陵侮太甚也今夫小民之家其祖宗有容其金於僻處者一旦舉發鄰里不得而顧問  
也如或忘思染指豪奪巧偷雖至愚且弱未有不攘臂而起者今開礦為中國自有之利而俄人思攘而有  
之當局者竟畏蕙疲懦惟恐稍拂其意何耶溯自互市開禁以來他族之處心積慮惟利是趨日甚一日同  
治七年九月總署曾咨三口畧謂前因東省平度密海等州屬有俄商薩比湯在出使大臣處呈請欲租粗  
禁止等因光緒十三年總署遵議漠河金廠開辦事宜疏云前有俄商薩比湯在出使大臣處呈請欲租粗  
魯海圖地方設廠挖金等因中國礙其利而不善自謀致外人越俎覬覦香來紛至國無人焉又誰咎乎且  
夫俄之居心叵測俄之為患日深其創為兵會也蓋因與英人爭奪中國利權俄雖疆域式廓不及英人  
之富加之頻年以振作開拓為事屢與大工國帑不繼爰創此會俾各強國入其牢籠以後彼此無或輕動  
藉得稍稍休息養精蓄銳然其設備於遼東也又汲汲皇皇日不暇給其旅順大連灣兩口日前有英國某  
船長經過查得兩地屯駐陸兵計有三萬五千名海軍船隻則旅順口內外共有四艘其他軍需器械運輸  
而來源源不絕據我堂與俄我藩離亞東大局殆岌岌矣今者又無端生釁平地風波舉中國自有之利權  
拱手而讓之強敵名雖會商合辦實則一舉一動悉聽指揮所委之員吾知外人意中直以土偶視之耳亦  
復何所顧忌也哉嗟嗟地不愛寶也利不諱言也國富而後兵強不富未有能強者也誰貪天家之祿誰肩  
地方之責果能實心任事加意講求既察得礦苗迅即明定章程自行開鑿以杜窺伺以免齟齬以濬利源  
以儲國用則此種意外之交涉早已潛弭於無形即或抵隙而來亦得設辭力爭彼族雖狡吾知亦必有自  
病其理之曲者奈何徇私蔑公惟命是聽如犬羊之羣豺虎如燕雀之避鷹鷂忍氣吞聲縱令得志嗟乎前  
車雖覆來軫方適有守土之責者尚其綢繆於未雨焉可

### 非洲電報

○本坡實得力太晤士西報接廿五日英京來電云倫敦太晤士報接其駐紮非洲西  
南之下勝地方探訪人於西去月十四號所發電稱馬尼力王現備食物布疋等贈送諸拿美士被英將巴  
孫在宜那刺付所敗遁至該會界內者是殆有鬼死狐悲之意也

### 英電譯登

○本坡實得力太晤士西報接廿五日英京來電云倫敦報云現聞華呂加將軍駐守  
南方各地之華呂加將軍經已奉命將其所轄各鎮之營伍一律預備整齊以便從事疆場云云該將軍所  
轄計有十三鎮之廣然則此十三鎮之兵概行預備其軍勢亦殊浩大矣

### 認股踴躍

○張弼士觀察經蒙 奏派總辦粵漢鐵路各事宜現已開招股份所有辦理一切規  
模均經核定除觀察所出告白外另有詳細及簡明章程存於領事署及本館內以備諸人查核按鐵路  
一事實為當務之急歷觀各處創設鐵路者無一不獲重資可知其生理之佳况夫粵漢一路實握東南數  
省商局之綱此其美利之收固可以預操左券者故自觀察舉行招股以來連日均有人到來詢問而尤為  
踴躍者則為林博雲太守即協裕生號東主林君三也多財善賈志趣不凡近見觀察舉辦鐵路招股事宜  
即殷然起認認路股一千份計需本銀十萬兩之多善乎太守此舉可謂識見獨超將來所獲之利將不可以

勝計矣爰誌數言以爲有志經營者勸

英人之言

○英國某君論拯救中國法欲保全中國瓦解之危莫如阻止俄國南下之勢英國日本當訂立合同戮力拯救以制諸國  
侵畧特中國既脫危機能否自立尚難懸決使外人代爲措置誘擄教訓則中國人民饒富或可得精兵十萬人以保北京而拒俄國再以重兵  
駐紮長江一帶以防他變此處地極饒沃民亦勤敏又爲中外通商第一口岸一二士夫皆能知地球大勢誠能實力護衛則於中國中部大有  
利益然則英宜樹威揚子江岸日本宜樹威朝鮮以保中國二者皆急務也夫日本在東洋勢處強盛朝鮮以唇齒之國正宜庇其宇下我英如  
爲日本後援則俄亦必不能阻礙矣日本雄東北英或鎮東南聲勢相倚可以持久至我英爲中國教練陸兵令俾人力肩此任不須全藉國家  
之力中國所短者無忠誠智勇之將也苟有其人則中國自強之機在此矣見國民新報

海外桃源

○美洲瑞慈省距麥蘭士敏城八英里之遙有一嶼焉名曰耶耶其地廣一萬四千畝四面皆有河渠前係官地嗣因各  
富人愛其隔斷紅塵別饒幽趣公建大公館一座於其間土木丹青共費英金二萬磅館中配設電燈及暖泉機器故雖北風其涼而其講井無  
凍意館之上下層及左右堵咸以獸毛和灰爲間隔故此間歌曲別調無盈耳之聲此該館之大概也館以內雖屬私地而館以外仍屬官地則  
尋幽覽勝富人能往即非富人之儔侶又誰禁其入而問俗乎是故公館內常覺清幽公館外仍形雜沓各富人又集英金二萬五千磅向其政  
府購買全嶼之地爲該館之公業分劃界址栽植樹木養鳥獸又費英金數萬磅自是之後凡非館中之友雖有相識而未變該館之招東  
概不得擅入其中此該嶼之大概也館內社友約共百人當草創之時每人捐金一百二十磅至購買全嶼之時入社之人其捐款比前加增數  
倍且各富人又在嶼內之曠地另建樓屋計百餘座以爲眷屬賓朋釣游之所其建屋之費但由千餘磅以至萬餘磅不等館中各友多係火車  
公司之股東其家價值數百萬磅以及數千萬磅不等此館中各富人之大概也錄檳城報

各國財產總數

○英國金洋三萬五千兆圓德國一萬八千兆圓法國一萬五千兆圓俄國五千兆圓奧國四千五百兆圓荷國  
三千六百兆圓意國三千四百兆圓比國二千二百兆圓丹國五百五十兆圓羅馬尼亞國二百四十兆圓腦威國一百五十兆圓美國尚未查  
實大約可與英國相齊以上見上海蘇報錄文滙報云有西人乃麥克因各商埠銀幣短少故將各國政府及官商所有財產通盤查核亦足見  
泰西留心時事者之多矣

經營匪懈

○接東京八月二十一日來信云日本派駐中國公使矢野君已定於八月二十五日登輪前赴北京現正中國多事之日  
各項交涉頗多棘手差謬疊疊即關大局政府已詳加訓示俾便遵行日來外部陸部海軍部文移旁午異常忙碌首相伯爵大隈氏定於明日  
會同樞密院大臣商辦中國交涉復與海軍大臣議定派出兵輪五艘三艘開往津沽一帶駐泊兩艘寄泊沽鄰近洋面以壯聲威而備不虞譯  
日本行報

海盜披猖

○廈門友人來信云福建興化府南口一帶洋面素爲海賊出沒之區上月八日有水師船一艘揚帆駛至突有海賊數  
十人僞求附載一躍登舟伺夜深人靜時嘯侶呼朋一齊動手將船中管駕舵工水手悉數網縛然後搜括衣物搶劫一空其船中所儲之炮則  
被拋入海中事後經巡船管駕某君查悉飛報楊西園尙書尙書大爲震怒立率營勇五百名乘元凱兵輪船前往會哨而若輩飄忽異常早已  
毫無蹤影矣

威海衛記

○威海衛港口水深而岸寬輪船駛入無淺閣之虞口內可泊中等輪船多艘離岸一英里水深二三十尺距島又一英里  
許大戰艦亦可下碇倘安置浮水泡可停巨艦七八艘小者當倍蓰之西北風大作時小輪雖難支持而大者無害統觀全港形勢屯泊兵艦甚  
爲合宜故英國及各國水師中人縱論此港未有不稱爲便利者停輪處對面有一小島名劉公島沿島有碼頭一座傍有長鐵橋橫亘其上數  
年前華人經營締造備輪船傍岸載運煤斤之工程甫及三分之二適中日失和日人進佔此島工程中止惟是工料堅實稍加修葺而續成  
之大可供不時之需鐵橋下水深二三十尺島上有極大煤棧兩所牆壁堅固距碼頭不過咫尺每棧可儲煤斤八千頓威海內地食水有泉有  
井汲取非艱惟島上之水甚少而劣炮臺共有十一座俱用鉅石築成若金湯爲德人漢納根所築旅順口炮臺亦由漢君督造與此同一鞏  
固臺上每置克虜伯及阿姆斯脫耶炮現均鏽壞不堪配用惟島之北隅有巨炮一尊加以拂拭尙可攻敵至其形利勢便實爲天然險要中日  
一役東邊各炮臺爲日人轟壞華兵退守時恐各炮遺以資敵燬壞甚多比日人進據藥礮者皆廢鐵而已各炮臺來往之處鋪設石路多條一  
律平坦劉公島自南至北有石牆綿延高踰五尺似此規模井井度當日營造之始糜費當亦不貲約畧估之并英金二百萬磅不辦威海衛內  
地有營房六所通體木質猶日人造就移置此處者此房異常精潔每所可棲息兵士六百八人木質堅韌兩零日炙已閱二年而業尙完好較之  
篷帳尤爲耐久此地自我英駐紮東方水師提督西模君率領各艦收受後竭力經營丈量地段直立界石開通水道修砌街衢編民房以便查  
考設電綫以通烟臺業已百廢具興不遺餘力矣尤妙者威海衛沿海有大路一條從容城起可直達烟臺再達濟南府是爲山東省城連威海  
衛有一千另二十英里居民共一萬五千地瀕黃河從威海衛造鐵路達濟南府奏功較易費用亦不甚鉅緣沿海均係陸路並無河道梗阻

故事半而功倍也山東省煤鐵二礦偏地皆是并有銀礦以及別項礦產不一而足如鐵路成後此種權利均歸掌握獲利自不待言設無鐵路亦無甚利益可得即便商人輻輳亦不過如烟臺而止耳故築鐵路誠為威海當務之急也我英得此誠為寡二少雙之口岸再無有出其右者形勢既佳物產又饒得此一隅即在東京之權勢亦可因之一振比年我英政府事事讓入著著落後幸此處捷足先得差強人意不然倘為他國所有此時我英在東方權利盡歸於無何有之鄉矣目下威海衛無甚商務惟欲受一舉以資選者實繁有徒耳英水師艦有多艘下旋於此聞諸華人云已准中國在此訓練水師并設水師學堂一所旅順口亦須照此設立云 譯倫敦中國報

仿造白鐵 ○白鐵之為物也其價頗廉以之製造器皿而消流日廣此亦一流厄也昨接粵垣來信云日前有職商馮某其稟善後總局稱能仿其製懇請立案專利云云局憲察閱稟詞着其赴該管有司呈明核轉再行察奪茲將批詞照錄於左○職員馮佩亨稟 批據稟仿造白鐵請立案專利究竟該職員籍隸何處是何職銜現擬在何處試辦集股若干何時可以出資均未聲明無憑核辦仰即赴該管地方官呈明核轉再行察奪

粵西盜警 ○香港中外新報云有自粵西之大王崗來者為言該處之土匪曾於月前揭竿千百為羣四行劫掠故南至江口一帶均成戒途所有商場俱一律閉歇商賈愁歎居民客時百貨不通貧民乏食李世則多盜此語其信然矣嗣得蘇軍門元春飭弁帶勇到剿而鄭鎮軍潤材所部之安勇亦應之各賊望風而逃遂於朋化山內大崗地面由是始見天日焉各店陸續復開雖暢旺不如從前而仍勝於各貨壅塞也又言舊夥賊目李立亭雖已被獲正法而其餘黨尚多刻聚於鬱林州之五馬山招集新夥如不痛加剿洗而搗賊巢則死灰之復燃乃意中事耳

浙婦奇病 ○上海報云浙江石門縣地方距洲泉鎮左近有南墩村村民張姓夫妻年近花甲耕備度日張妻一日正在炊飯忽跌仆於地亦無甚痛楚距至次日小腹奇痛忽作至三四日後下體中突伸出似中指粗細蛇頭無目有口每日伸出一寸痛尚可忍一禮拜後蛇忽生齒開眼隔日又伸出蛇頭一長俱二三寸每日伸出三五次痛徹心肺婦宛轉呻吟慘不忍聞備鄰婦裹布拔之滑不留手拔之不出痛更甚焉腹傍皮肉被二蛇咬已腐爛每伸出時飲食俱不能下噤必俟蛇縮進痛止方能飲食如常其夫遍求醫藥迄無能治此奇病者即各種藥書亦未載及此症事近怪誕乃友人書中言之鑿鑿姑錄之以供海內博識之人能識此症否

示購軍火 ○粵垣來信云兵力不足必資民團民團欲須備器械茲有廣西潯州府城團練局派人來東購辦軍火又有貴縣城粵東會館派夥來東購辦軍火均經稟准該地方官轉詳督憲譚官保茲由督憲批出善後局憲牌示特為錄報以供眾覽○為牌傳事光緒廿四年八月廿二日奉 兩廣總督部堂譚開據廣西潯州府稟稱府城團練局紳主事周秉道等集資派東商鄺晉旋親赴廣東採買擡槍一百廿五枝擡槍鐵子碼一百斤綠槍炮二十枝大脚槍二百一十枝大脚槍帽八百六十盒大劫槍子碼一百斤回那備用請發護照等由到本部堂據此當批查各屬來省採辦鎗械軍火如係前往香港澳門者必須由善後局詳請本部堂及 粵海關給發護照方能前往據稟商人鄺晉旋來省採買擡槍各項是否前往香港未據聲明該商人大約業已來東除行廣東善後局示傳該商人說明照章辦理仰廣西按察司轉飭遵照仍候 撫部院批示繳等因除批仰廣西按察司遵照及錄批徑行該府查照外合就檄行仰局即便遵照示仰該商人詢問分別照章辦理毋違等因到局奉此合就牌傳為此牌仰該商鄺晉旋即便遵照查明此次來東所購前項槍械軍火是否前往香港澳門採買抑在何處購辦據實稟覆本局并將潯州府所發來東採辦槍械軍火護照一併稟繳本局查驗以憑核辦毋違特示○又為牌示事光緒廿四年八月二十二日奉 兩廣總督部堂譚批廣西右江營務處右江道黃稟准廣西善後局移據貴縣縣令稟附城粵東會館商黃合力集資請給護照專影赴港採辦洋鎗一百七十杆碼三萬顆邀免釐稅轉稟憲台察核示遵等由奉批此案現准 廣西撫部院咨會當經給發護照發給局轉給該商黃等收領核辦在案據稟前由仰廣東善後局轉飭該商黃等遵照趕緊採辦並移會該道知照仍候 撫部院批示繳等因奉此并准黃道備移到局查此案昨奉 督憲牌發護照并准 粵海關移送執照一張到局當經給發該商專影查收持往採辦在案奉批前因除移右江道知照外合就牌示為此牌仰廣西貴縣附城粵東會館商黃敬堂專影即便遵照速將所購前項鎗械軍火趕緊採辦回西應用毋違特示

連劫漁船 ○穆拉油漁人如華漁之爭食故常劫財奪網甚即命案亦時見之本報已書不勝書不意此風愈出愈狂竟有一夜之間連劫五船之事亦可謂猖狂極矣金門人陳欺向以捕魚為業廿五夜與其宗人之漁船五艘出海捕魚至是夜一點鐘時風雨大作諸人乃收網而回詎駛至加東海面忽遇穆拉油船一艘中有七人各持刀鎗截而搜劫因將網罟魚等物概行劫去甚即衣服亦遍令除下不留一縷劫畢始縱之行未幾一船繼至亦如之於是陳等五船均先後被其所劫事後即經陳等將情稟報陳前者已被穆拉油漁戶所劫數次今復被劫又聞有瓊人王亞里之漁船亦於是夜被穆拉油船所劫是亦可見若輩之猖獗矣

因貪作竊 ○小坡碗店街某碗店有棧房一所在舊谷釐街第廿五號門牌廿五日到有監碗數箱因箱巨門小不便扛入棧內因暫置諸門外因命伴邏守之詎至是夜三點餘鐘時忽有一人持鐵鑿至欲撬其箱諸伴突起執之燃火審視其人非他即鄰近所居閩人某甲也

諸件以其係屬坊鄰亦竟圖竊威相切齒共以老拳奉贈甲時且慚且怖伏地求饒眾因念其係屬坊鄰乃責而遣之甲遂抱頭竄去  
無端毒毆 ○閩人陳有於廿五夜以事出門道經爪亞街詎忽有潮人迎面而至故意與陳相碰陳訝而詰其人不發一言遽出  
鐵尺向陳當頭猛擊至陳受傷倒地其人即大笑而逃迨鳴捕至時其人已杳至其因何毆陳究不能得而知悉或曰其人向患失心之症故至  
如是若陳也者亦可謂无妄之災矣

葫蘆落水 ○釋子悟三閩之福清人在其本縣龍巖寺剃度為僧近聞南洋之人能結二寶緣因逐東裝南來募化昨附某輪船抵叻  
僱有三板在瓊州會館前登岸不意登陸之際忽然失足墮於水中竟將光光者撞破鮮血迸流留在水中連呼救苦救難王菩薩不已嗣經舟  
子將其拯起驅水數升神色始覺畧定因由舟人代喚手車與其乘之而去

京報選錄

○頭品頂戴兩江總督臣劉坤一跪 奏為遵 旨設立江南省府縣各學堂謹將籌辦情形恭摺具陳仰祈 聖鑒事竊

臣恭閱邸鈔光緒二十四年五月二十二日奉 上諭前經降旨開辦師範大學堂入堂肄業者由中學小學以次而升必有成效可觀惟各省  
中學小學尚未一律開辦總計各省省會及府廳州縣無不各有書院著各該督撫督飭地方官各將所屬書院坐落處所經費數目限兩箇月  
詳查具奏即將各省府廳州縣現有之大小書院一律改為兼習中學西學之學校至於學校等級自應以省會之大書院為高等學郡城之書  
院為中等學州縣之書院為小學堂皆頒給京師大學堂章程令其仿照辦理其地方官自行捐辦之義學社學等亦令一律中西兼習以廣造就  
至各書院需用經費如上海電報局招商局及廣東團姓規開頗有溢款此外陋規濫費當亦不少著該督撫儘數撥充各書院經費各省紳民  
如能捐建學堂或廣為勸募准各督撫按照籌捐數目酌量奏請給獎其有獨力捐捐鉅款者朕必予以破格之賞所有中學小學應辦之書仍  
遵前諭由官設書局編譯中外西書頒發遵行至於民間祠廟其有不在祀典者著由地方官曉諭民間一律改為學堂以節糜費而隆教育似  
此實力振興庶幾風氣徧開人無不學學無不實用嗣朝廷愛養成材至意將此通諭知之欽此復於七月初四日奉電傳 諭旨前於五月二  
十二日降旨諭令各省開辦學堂限兩個月覆奏現在限期將屆各省籌辦情形若何著各督撫迅即電奏欽此并准總理衙門將大學堂章程  
咨送前來悉惟學堂之設為自強根本要圖我 皇上作育人才孜孜求治屢發 明詔於京師創立大學堂 特派管學大臣妥議章程尅期  
舉辦 諭令各省一體實力奉行洵足立當代之楷模新斯民之觀聽臣受 恩深重圖報情殷何敢稍涉因循自蹈各戾惟是造端伊始考覈  
不厭精詳經費有常籌畫尤須審慎茲遵照大學堂定章斟酌酌變通就江甯城先行開辦以期迅速集事謹將籌擬情形為 皇上詳陳之查江  
甯地方為東南一大都會向來江蘇安徽兩省於茲合闈湖試此次設立學堂係為科舉之梯航俾知學術之階級則兩省士子自應一視同仁  
擬設江南學堂一區為高等省學堂江甯府統轄七屬上元江甯兩縣本係同城擬設中等小學府縣學堂各一區與京師大學堂一氣貫注層  
累遞進以符書升輪秀之規通計學堂三處員司教習薪水學生飯食書籍紙筆月課獎賞以及各項雜支每年非八九萬金不足敷用而開辦  
之初如經營學舍延聘教習講買中外書籍圖冊儀器各項又非十餘萬金不辦當茲費絀用宏度支告匱如此鉅款實苦羅掘無從而地方應  
辦事宜更何敢輕言請款伏思江南舊有儲材學堂原議分設交涉農政工藝商務四大綱學額以一百廿名為止又以學生未解西書不得不  
以語言文字為途徑現在所學僅英法德日四國語言文字即使三年有成不過備譯人之選而於律例賦稅與圖繙書種水利畜牧農務化  
學氣機礦務工程各國商務中國土貨錢幣貨物諸學均未講求仍須俟諸數年之後定額既少收效又遲且與大學堂章程多不能相應方今  
朝廷勵精圖治百度維新各省備設學堂一洗空疏積習宏規茂地體用兼資不患無繙譯之才而患無會通之士臣之至思應迅設省府縣  
各學堂以植其本另設農工商等學堂以造其精既為通學先立始基即為專門學豫籌進境庶幾人才輩出不致遲緩費時擬將儲材學堂  
改為江南學堂推廣學額多延教習其舊有學生嚴加考覈分別去留並將舊有之鍾山彝經惜陰文正鳳池奎光六書院並改為府縣各學堂  
所有各該學堂書院經費悉數撥給濟用至開辦經費儲材學堂連年節省尚有數萬金可以提撥如有不敷容臣另行籌款現已派委道員謝  
光典總司其事次第舉行此籌辦江南省府縣各學堂之實在情形也若夫外府州縣雖已有數處設立中西學堂而辦理未能盡一章程難免  
參差幸幸圭臬有資自應敬謹遵守惟各屬學額之多寡須視地方廣狹經費之優絀以為衡擬籌遠為懸定業經臣將大學堂章程刊印分發  
嚴飭各該地方官查照速辦將本有之書院一併改為學堂經費不敷均著就地籌款依限於一年之內一律告成其有紳耆好義或捐資獨建  
學堂或合力分設學塾俱照新章分別奏請獎勵總期漸推漸廣日起有功仰副聖主殷殷誥誡振興實學之至意所有遵 旨設立江南省府  
縣各學堂緣由理合恭摺具 奏伏乞 皇上聖鑒訓示謹 奏奉 硃批管理大學堂大臣該衙門知道片一件併發欽此

大荷蘭國駐叻總領事官告示

○大荷蘭國駐紮新嘉坡總領事官尼域 為招承餉碼事照得麥內及其所轄之賭碼賭碼欲招人承辦其碼係辦一千八百九十九年一載為期又抽收胡椒餉碼或止承一千八百九十九年兼招承至一千九百年及一千九百零一年均無不可以上各碼均定於忽民末月十四號即華十月初一日在麥內之丹戎檳榔出投汝等有欲承辦者其如期前往投充可也此諭

西一千八百九十八年十月二十號

示

**招商承餉** ○啟者彭亨烟酒賭當四項餉碼係由徽號振和豐公司承充茲本號議將北干及六把兩處餉碼自行辦理其餘所有彭亨管轄地方烟酒賭當餉碼均要轉招商人投標承辦訂由西一千八百九十九年正月一號起算限六個月為期諸君有願承充此餉者或烟或酒或賭或當無論分辦合辦悉聽其便至於投標之期限西本年十二月八號即華十月廿五日禮拜四中午截止其在小芒丹者可投票北干其在小芒丹之上者可投票六把俱由本號彙收概照仁榮公司章程辦理或乘或取本公司自有權衡不以價高者得之例為斷也謹此通佈祈各踴躍為荷  
大清光緒廿四年九月廿五日 大英一千八百九十八年十一月八號 彭亨振和豐公司謹啟

**三寶瓏華商捐助廈門平糶芳名錄** ○茲將地及內山梭咭日惹隆門新班諸善士捐款芳名開列如左 建源公司捐六百元  
鄭永昌捐銀五百元 陳燕山捐銀五百元 瑞和號捐銀四百元 振隆興捐銀四百元 承綿利棧捐銀四百元 建源公司捐銀四百元  
義裕號捐銀四百元 顏江守捐銀三百元 和順號捐銀三百元 新錦源捐銀三百元 振成公司捐銀三百元 和興棧捐銀三百元  
錦茂棧捐銀三百元 建昌棧捐銀三百元 黃福源捐銀二百元 葉以守捐銀二百元 陳開場捐銀二百元 瑞源號捐銀二百元  
合成號捐銀二百元 陳志拋捐銀二百元 蓮成棧捐銀二百元 李振綿捐銀二百元 張允興捐銀二百元 盧達綿一百五十元  
李雙輝一百四十元 吳家連捐洋一百元 雲南棧捐洋一百元 李和向捐銀一百元 振源棧捐題銀一百元 張場諒捐銀一百元  
施伯讓捐銀一百元 盧禮龍捐銀一百元 邱中庸捐洋一百元 源昌號捐洋一百元 福泉成捐題洋一百元 薛開翰捐洋一百元  
洪維恭捐銀一百元 成林堂捐銀一百元 源興號捐洋一百元 李武平捐洋一百元 李裕合捐題洋一百元 阮班嬰捐洋一百元  
林今毅捐洋一百元 會信春捐洋一百元 黃振通捐洋七十元 李祥官捐洋七十元 楊盾官捐題洋七十元 廣合號捐洋六十元  
有祥號捐洋六十元 恒發號捐洋六十元 紀清東捐洋六十元 鄭水容捐洋六十元 復隆號捐題洋六十元 同生號捐洋六十元  
裕成公司捐五十元 吾飲福捐洋五十元 吳清在捐洋五十元 黃奕在捐洋五十元 陳添成捐題洋五十元 陳潤酥捐洋五十元  
郭萬生捐洋五十元 江濠生捐洋五十元 林雅俊捐洋五十元 鄭柏漳捐洋三十元 施開松捐題洋三十元 張仔細捐洋三十元  
通共六十七名捐英銀一萬零八百六十元折盾一萬二千八百九十二盾七五五 一對八月十九日電滙豐望英銀六千元折七  
千一百四十盾 一對九月十五日電滙豐望英銀四千元折四千七百四十盾 一對九月七日會滙豐票一紙銀八百四十二元三角  
八占 一對先後會項還運費去六盾一一 通共四條去洋一萬二千八百九十二盾七五五 對抵完定 該捐款係作兩次鳩收就時  
盾水支取所以價數不同也合併道明 廈門平糶駐叻籌捐董事公啟  
大清光緒廿四年九月二十四日

**拆夥聲明** ○啟者本坡泉成興公司前在十八號前經營生理原係楊成宗 楊目合開創今移住保黎後第二號門牌自于乙酉年  
四月間招到楊秉傑即傑合前來合股計傑合公司生理二分半茲因楊秉傑志圖別業願將名下應得泉成興公司以及安南各郊生理之  
股份二分半折出業于本年九月初一日止截經請 公親家長春弟 家寬柔旋前來調處計楊秉傑所有支長之項已在公親面前立單交  
貨清楚其夥記部內楊傑合名字亦當堂註銷此係兩願日後泉成興公司暨各郊生理盈虧以及土庫華人各號來往交易數目均歸泉成興  
公司自理與退股人楊秉傑無涉至楊秉傑自己倘在外頭有與人揭借滙對等項惟向楊秉傑是問亦與泉成興公司無干特此聲明免滋後  
論 大清光緒廿四年九月廿二日 大英一千八百九十八年十一月五號 實叻保黎後門牌第二號泉成興號楊成宗公司暨退股人楊秉傑全啟

**棧開出稅** ○茲有號有棧二間座落豐榮火邊上落水極便長一百十二躡氣闊三十六躡氣如諸商翁要租者祈移玉到敝號  
內相商此佈 光緒二十四年九月十八日 豐源號謹啟

**地段出投** ○啟者茲承地稅司命定於西曆本月廿三號即華十月初十日禮拜三下午二點半鐘在本館拍賣 地段五起坐落  
直落亞逸羅民申路附近水龍局之處即舊巴虱對面又地段三區坐落巴魯街又一地在華打汝實得力其地建屋一間係第八十號門牌  
所有拍賣章程概照英字所列而行 諸君有合意購買者祈屆期 玉臨投買特此佈聞  
大清光緒廿四年九月十九日 大英一千八百九十八年十一月二號 吧越館主謹啟

**大荷蘭總領事示** ○大荷蘭國駐叻總領事府兩域 為通知事照得西本年爪亞國家有羔丕九萬九千二百二十八担欲為拍賣  
如欲知其拍賣之期及一切詳細情形者可至本總領事署內詢問便得特此諭知  
西一千八百九十八年八月六號 一



實勝越禁止載運日銀入口示 ○特諭通知西本年屋多末月十八號實勝越國家新訂一章此章立後凡屬日本銀元概不准載入  
實勝越地方備議式人等有載運此銀入口者即將其銀充公特此佈告  
西一千八百九十八年屋多末月十八號  
在實勝越居精榜示通知

堪輿妙術 ○即用訓導林明良茂才圖之永春人也術擅堪輿為人忠厚樸誠世以地理著名茂才既得祖傳兼承異授不惟尋龍點  
穴獨具隻眼裁法幹旋別有匠心即斷土色論吉凶燥濕宜斜亦無不如响斯應六月間為陳合春裁擇佳壤延請地師不少獨茂才所斷毫  
釐不差足信學有淵源名不虛著即楊會再生亦不過是現寓微齋內凡有志求子眠佳穴者請嘗試之方知予言不謬也特此佈告  
光緒二十四年九月拾三日  
集文齋主人林永達謹啓

敬告來書 ○張君鶴樓滬江之風雅士也幼就學於施少愚太史之門遂得法儒雅名噪一時茲因孫山落後偶作南遊於中秋節  
日抵叻行裝甫卸素耳其名者踵門求書如山陰道上應接不遑矣現寓於豆腐街順昌隆行中余忝知交有素敬獻數言於報端以俾同好  
者知方換德焉可  
光緒二十四年九月初六日  
友蘭居士陳少亭佈

精製眼鏡告白 ○眼科之理甚微難離遠近而言之也人之眼目雖舉賦不一然每至年老則恒兩目昏花此等眼患乃世人所不  
能免若非於少時預戴精妙之眼鏡則不能當護其瞳神也又如人生精神有限或因觀書等類過耗目力每致頭痛神倦眼目昏花故眼鏡一  
事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究  
於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再  
在土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之  
眼鏡則每對僅沽銀三元凡諸君到請查驗眼目者概不受謝併此佈告  
西歷一千八百九十八年十月十號  
刺沙勝士謹啟

蓋開藥酒之功用甚宏何以市井懸壺屢試罔驗此非藥酒之不效  
殆亦所以製此藥酒者之未得其宜也惟本軒所製各項藥酒詳究  
醫理細訂良方復選地道藥材購醇醪而醱釀故其奏功甚速迥與  
別家不同即如追風去濕藥酒舉凡一切風濕等症服之皆效大樽  
價銀五角小樽價銀三角及滋補百歲藥酒性非寒燥固本扶元服  
之固可延年益壽每樽價銀四角又參茸三鞭藥酒如腎虧遺精體  
倦神疲服之並可壯陽而種子每樽價銀八角又軍中跌打藥酒如  
跌打刀傷積瘀暴腫服之併可舒筋絡而止痛大樽價銀一元小  
樽價銀五角又婦人經期肚痛藥酒如經期不調肚痛白帶服之亦  
可調經而銷瘀每樽價銀四角 以上各項藥酒皆本軒留心監製  
屢試屢驗方敢出而問世所望 諸君沽而試飲方知余言不謬并  
希認明招牌古鼎為記庶不致誤惟本軒所擬各價係以平日所沽  
而論至逢每月初二十六日照價九折以廣招徠 一本軒係在新  
嘉坡牛車水大馬路戲園街口開張 一在新嘉坡小坡南街廣茂  
生號寄售 一在芙蓉芙蓉廣生號寄售 一在吉隆坡恒棧號寄售  
大清光緒廿四年六月廿九日 時雨軒主人謹啓

藥店召頂 ○啓者茲有藥店一間生理尚堪過得祇以該  
店主人事務太煩不能顧及今欲將此店頂與他人承受有合意者  
請至叻報館面詢便得 光緒廿四年七月初三日 叻報館代啓

草聖暫駐 ○朝鮮尹君溪石草法本地人士已所欣賞今  
由吉龍而返叻現寓於單邊街新巨泰三樓開筆定於九月晦內動  
身其潤資均照舊例新到上海及金榜箋紙寄售  
光緒廿四年七月十八日 啟

店舖出稅 ○啟者茲有店舖一間坐落溝仔墘第廿五號  
門牌即順源棧之隣前經該棧稅為貨棧者茲欲將其樓下及後樓  
出稅與人 諸君有欲稅住者請至墊邦路頭豐興號內向余詢問  
便得特此佈聞  
光緒廿二年十月廿四日 薛連錫謹啟


新印台灣地圖寄售 ○啟者茲有新印之臺灣地圖精細  
異常經緯度數井然不紊所謂羅千里於咫尺者目今台事戰爭未  
已正人心所宜亟為攷究者 諸君賜顧請移玉至本館面商可  
也 大英一千八百九十八年七月一號 本館謹啟

豐源號謹啟  
號期日行開船輪  
本號輪船往來各埠船期開列如左 在各埠往實叻日期  
由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
由芙蓉往吉隆坡每逢禮拜二六日下午六點鐘開行  
由芙蓉往吉隆坡每逢禮拜二四日下午四點鐘開行  
由麻六甲回實叻每逢禮拜二五日下午四點鐘開行  
豐源號謹啟




售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固並用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟


啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也 者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



賣發酒密烏




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有剽份之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

賣出酒蜜



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木楔內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟

